

**Aurum Sapientvm, Sive Ars, Sine Scelere, & cum virtute,
ditescendi**

Masen, Jacob

Coloniae Ubiorum, 1661

Quæstio XIII. An non Minori longè emolumento opes in cistis custodiantur,
quam in homines, etiam indignes, Dei nomine profundantur?

Nutzungsbedingungen

[urn:nbn:de:hbz:466:1-55377](#)

Regnis, ita opes affluxerint, ut potentissimis
deinde Europæ Africæque Regibus Hispanos
fecerit metuendos. Honora itaque Do-
minum de tua substantia, & implebuntur
horrea tua.

QUÆSTIO XIII.

*An non Minori longè emolumēto opes in cœ-
sī custodiantur, quam in homines, et-
iam indignos, Dei nomine pro-
fundantur?*

Philosophorum antesignanus Aristoteles pronuntiaturus de homine verè di-
vite sententiam : *Divitem esse*, inquit,
magi in utendo, quam possidendo consistit. x
Neque sua opinione falsus est, nam si in so-
la possessione auri divitū sit felicitas, ditior
canis, qui auro defosso incubaret custos suo
effet habendus Domino, cum multò illud
possideret proprius. Jam asinum deporta-
torem thesauri, quis esse censeat verè divi-
tem? Xenephontis de Cyro hic juvat recita-
re sententiam. *Non eos*, inquit, *y qui plu-*
rimas pecunias possident & custodiunt, felices
duco: nam hoc pacto qui muros custodiunt felici-
ssimi forent, quippe qui omnia qua sunt in
urbibus custodiunt; sed qui parare quamplu-
rimas.

x I. Rhet. c. 5. y Xenoph. L. 8.

rimas justè potest, & eis præclarè uti. Hunc felicem arbitror, & pecunias ejus etiam felices. Servilis planè occupatio est divitiarum custodia; multò abjectior, quam custodia urbium, aut palatiorum: cum talis custodia rei mortuæ ac brutæ, hæc adhibetur præditis ratione hominibus. Ultrumque tamen servile opus est. Quod si quis igitur paterfamilias suis ipse custodiām præstet opibus, illarum magis servus est, quam Dominus, cum illas non sibi, verùm illis semetipsum impendat. D. Hieronymi 2 voces sunt: qui divitiarum servus est, divitias custodit ut servus: qui autem excusserit jugum ut Dominus distribuit eas. Par Chrysostomi 2 mens & oratio. Quid insipientius seruo pecunia? tenere sibi videtur, cum ipse teneatur. Videtur sibi Dominus cum sit servus, & cum vincula sibi ipse circumdederit, quasi in omnes imperium habens gestit. a Iccirco, inquit, habes pecuniam, ut pauperatem submoveas, non vero adsciras, tu vero prætexis levandi, majorem miseriā effici, beaignitatēque vendis pecunia. Vende, non prohibeo, sed regno calorum. Ne parvum tanquam pretium acceperis, nemp̄ usuram centesimam sed vitam illam

2 In Matthäum. a De divit. & paup.
 tom. 5.

illam eternam. Cur mendicus es, & pauper,
& angusti animi, parva, hoc est pecunia pe-
reunte magna vendens? Cur Deo relatio hu-
mana lucra lucraris? Cur divitem prateriens,
non habentis molestus es, & gratiam referen-
tem deserens, apud ingratum te ingeris? Ille
cupit referre gratiam, iste vero gravare etiam
refert; iste vix centesimam reddit, ille vero
centuplum: iste cum contumelio & convictu,
ille cum laudibus, & approbatione: iste tibi
invidiam exsuscitat, ille vero coronas etiam
concinnat. Quare si me, si aureum hunc o-
ratorem, si Christum in hac etiam vita cen-
tuplum promittentem audis, opes tuas in
tam laudabilem usuram expendas.

Docui alibi illorum, quæ supra necessita-
tem affluunt, bonorum, non manere te pos-
sessorum æquum, sed deberi illa Deo, aut
pauperibus. Quare ut administratori eorū,
ubi sese obtulerit indigus, nullum hic quæ-
rendum subterfugium est, non longa ille
mora fatigandus, non in vitam personam
que ipsius inquirendum. Tuum in te intue-
re debitum, in illo personam Christi. Quid
enim ad te spectat quis ipse, quando rever-
tentiam obsequiumque illi debes, cuius ad
te venit nomine? Sive prædo is fuerit (ut or
verbis Chrysostomi) sive aliud quidvis,

num eapropter vel pane tibi, vel argenteū
 nonnullū, & paucis apparet indignus: cumquis,
 cui Dominus tuus orientem sit solem impar-
 tur perexiguum ipse cibarium & tenuem vi-
 cium non existimas mereri? Quin etiam, quod
 dictu summum est, si hunc compertum ha-
 beas innumeris esse vires consipacum, eoy
 parvo & exili cibo fraudaveris, nihil id tibi
 ad excusationem prodeesse poterit. cum illum
 presertim Domini seruum sis, qui dixit: num
 ignoratus ex quo patre sum? illius præterea fa-
 miliaris, qui se lapidantes animo tulit patien-
 ti, improse lapidantzibus in crux sublatu-
 est? b Pergit idem eodem in argumento
 Doctor, & Christi erga Judam exemplos
 convincit, quem licet non ignoraret prodi-
 torem, mensa tamen, osculo, verbisque hu-
 manissimis dignatus est; & nec ipsos qui-
 dem crucifixores suos solitis beneficiis co-
 plecti destitit, verbis amicis compellans,
 prostratosque ergens, quos sola poterat
 voce conterere: ut nihil tanta humanitate
 dignum praestet, quia cum pauperes muneri-
 bus non solatur, verbis etiam acerbis casti-
 gatos dimittit: non tam hominibus, quam
 Deo suo injuriis. Ut vero ejusmodi se dis-
 pensator opum non fallat, noverit à sua hauc
 cupi-

b Serm. de non scrutandi paup. tom. 5.

cupiditate atque avaritia personarum acceptationem proficisci. Satis esse clementosynarum largitori debet Christi ad se venire nomine pauperem, à quo si quis etiam canis destinaretur, repudiari non posset.

Iterum stultus amor pecuniarum sive aliarum opum facit: ut quandoque cultus Dei ad tuam aliorumque salutem necessarius illuc deficiat, ubi tu opportuno subsidio adesse, illumque promovere posses. Squaleat Ecclesiæ neglectum decus, atque pro sacris, & concionibus deseruntur: deficiunt alimentorum defectu, qui ignorantis instruant, aberrantes ad ovile Christi deducant. & tu interea opibus affluis, quas vel incistis lacunisque inutili sepultura defodis; vel in copiosum satellitium, neque necessarium mensæ aulæque apparatum, in luxum luxuriamque impendis: vel heredi supra necessitatem locupletando, aut ingrato, incertoque, reservas. Quam obsecro hujus neglectus Domino tuo, cui quod tibi superabat, mille titulis debebatur, rationem, es daturus? Ille dator honorum omnium præ inopia deseritur, & tu abundas? illius honor negligitur, tuum decus, atque utinam non saepe dedecus, procuratur illi, qui dat escam etiam iumentis in tempore opportuno; c. nec suis

suis quidem in famulis per te providetur,
eget Dominus rerum omnium sua in fami-
lia, & servus administrator in sua domo op-
ibus superfluit. An sapientis Siracidæ mo-
nitum ignoras. *Fili, si habes, benefac tecum,*
& Deo dignas oblationes offer d Quid est,
quærit in loco hoc Jansenius, Deo offerre
oblationes dignas, nisi ut de melioribus bo-
nis, & liberali manu, non parcè nimium de-
ferantur? Abelis te potius, quam Caini imi-
tatem sapiens monitor esse desiderat, ille
tenui frugum proventu, avarus erga Deum
rerum suarum dispensator, venerabatur Do-
minum; hic lectissima gregis sui capita li-
beralis præbitor destinabat in victimam,
factum est, ait scriptura, e ut offerret Cain
de frugibus terra munera Domino: Abel quo-
que obiulit, de primogenitis gregis sui, &
ad opibus eorum. Qua verò utriusque mune-
ris apud Deum gratia? respexit Dominus ad
Abel, & ad munera eius; ad Cain verò, & ad
munera illius non respexit. Quo eventu di-
scas, ex opibus etiam tenuiter affluentibus
suam Deo largitori deberi partem cum pri-
morum parentum res principio satis tenues,
& solo tantum grege, partisque ex agricul-
tura frugibus consisterent; auro ac nego-
tiatione

d Eccl. 14, II. e Gen. 4, 3.

tiatione nondum cognita, neque difficulter colligas, quid in maiori opum copia & delectu rerum à te Deus præstoletur. Ad hæc igitur præstanda, si animum manumque contractam adferas, Dei honorem, proximique atque animæ tuæ salutem opibus possessis etiamnum post habes, tuarum servus divitiarum non verò Dominus es, pecuniam sine tuo emolumento, sine honesto lucro cum magno etiam opprobrio damnaque ad æternum servas interitum. Nulla hic te quoque purgabit excusatio à quorundam Ecclesiasticorum dissolutione, & malè collocatis preventibus petita ille hic tibi ante oculos habendus erat, cuius observationi honorique illud opum tuarum pēsum tributumque debebatur, non hæc impendenda erant homini, sed Deo. Cum ad iudicium veneris, sententiam ab illis quæ sibi Christus præstata, aut negata viderit petiturus: hinc gloria tibi solum adstructur, aut damnatio, quinam fuerint homines, quibus tua hæc dona cesserint, tuā nihil ad præmium pænamve intererit seu Iudæ, seu Petro Christi aliquid nomine collatum fuerit, parum momenti ad munerationem habituum est: nisi homini magis gratiam præsteris, quam Deo quo facto spem omnem

remunerationis à Christo præscidisti. Illud
tamen non negavero circumspecti largitoris
esse, non videre tantum, qua in parte Eccle-
sia, aut familia Christi magis egeat, sed et-
iam, quo collocata abs se loco, maiorem
Dei honorem, proximique ad salutem emo-
lumentum habitura sint. Prudentem enim
dispensatorem amat Deus, qui non sine fru-
tu concessa profundat, sed cum utilitate
ad quam opes natæ sunt, indigenti-
bus largiatur. Tam nimia hic in-
vitio cura est, quam nulla.

Medio tutissimum ibis.